

26 AUG 2002

DR MAHATHIR TERIMA KUNJUNGAN TIMBALAN PERDANA MENTERI VIETNAM

PUTRAJAYA, 26 Ogos (Bernama) -- Perdana Menteri Datuk Seri Dr Mahathir Mohamad hari ini menerima kunjungan hormat Timbalan Perdana Menteri Vietnam Nguyen Tan Dung di pejabatnya, di sini.

Dalam pertemuan kira-kira 20 minit itu, kedua-dua pemimpin itu telah bertukar-tukar pendapat mengenai perkembangan semasa perhubungan antara kedua-dua negara.

Tan Dung tiba di sini semalam untuk lawatan rasmi empat hari ke negara ini bagi memenuhi undangan rakan sejawatannya di Malaysia Datuk Seri Abdullah Ahmad Badawi.

Beliau mengetuai delegasi 11 anggota termasuk Menteri Hal Ehwal Buruh, Kurang Upaya dan Sosial, Menteri Perikanan dan Menteri Industri.

Yang turut hadir pada pertemuan itu ialah Timbalan Menteri Sains, Teknologi dan Alam Sekitar Datuk Zainal Dahlan selaku menteri pengiring.

Dr Mahathir kemudian menerima kunjungan hormat Menteri Luar Poland Wlodzimierz Cimoszewicz, yang tiba di sini semalam bagi lawatan dua hari ke negara ini.

-- BERNAMA

RZS NM AHH NMO